

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-25-000476-8
Bihać, 09.07.2025. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku date u Zapisniku broj: 001-0-Su-25-000476-7 od 08.07.2025. godine, u postupku javne nabavke kompjuterske opreme, po obavještenju sa portala javnih nabavki broj 8581-7-1-54-3-14/25, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli
ugovora

I

Prihvata se preporuka Komisije za javnu nabavku o izboru najpovoljnijeg ponuđača za nabavku kompjuterske opreme za potrebe Kantonalnog suda u Bihaću i ugovor se dodjeljuje ponuđaču R&S d.o.o. Sarajevo, za ponuđenu cijenu nakon provedene e-aukcije u ukupnoj vrijednosti od 8.498,15 KM bez obračunatog PDV-a, odnosno 9.942,84 KM sa obračunatim PDV-em, kao najpovoljnijem ponuđaču.

II

Nakon pravosnažnosti ove Odluke prijedlog ugovora dostavit će se na potpis izabranom ponuđaču.

III

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. tenderske dokumentacije.

IV

Ova odluka dostavlja se svim ponuđačima u postupku javne nabavke, u skladu sa članom 70. stav 6. Zakona o javnim nabavkama i objavit će se na web stranici Kantonalnog suda u Bihaću.

O b r a z l o ž e n j e

Postupak javne nabavke kompjuterske opreme, pokrenut je Odlukom o pokretanju postupka javne nabavke broj: 001-0-Su-25-000476 od 16.06.2025. godine. Javna nabavka provedena je konkurentskim zahtjevom za dostavu ponuda, sa provođenjem e-aukcije u sistemu e-Nabavke. Procijenjena vrijednost nabavke bez PDV-a iznosi: 8.500,00 KM.

Obavještenje o nabavci broj: 8581-7-1-54-3-14/25 objavljeno je na Portalu javnih nabavki dana 16.06.2025. godine a sažetak obavještenja u Službenom glasniku BiH, broj 37/25. Tendersku dokumentaciju, sa Portala javnih nabavki podiglo je 25 ponuđača. U periodu koji je ostavljen za dostavu ponuda nije bilo postavljenih pitanja, niti žalbi na tendersku dokumentaciju od strane potencijalnih ponuđača.

Komisija za provođenje postupka javne nabavke, imenovana rješenjem broj: 001-0-Su-25-000476-3 od 19.06.2025. godine (u daljem tekstu: Komisija) je dana 03.07.2025. godine izvršila javno otvaranje ponuda u prostorijama Kantonalnog suda u Bihaću o čemu je sačinila Zapisnik o otvaranju ponuda koji je dostavljen svim ponuđačima koji su dostavili ponude. Javnom otvaranju ponuda nije bilo prisutnih predstavnika ponuđača.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: 001-0-Su-25-000476-7 u kome je konstatovala sljedeće:

- da su blagovremeno zaprimljene 3 ponude i to:
 1. R&S d.o.o. Sarajevo
 2. ELNUR d.o.o. Kiseljak,
 3. MOON d.o.o. Zenica
- da nije bilo neblagovremeno zaprimljenih ponuda;
- da su ponude ponuđača R&S d.o.o. Sarajevo i Elnur d.o.o. Kiseljak prihvatljive,
- Komisija je izvršila provjeru računarske ispravnosti prihvatljivih ponuda i utvrdila da ponuda ponuđača ELNUR d.o.o. Kiseljak ima računarsku grešku a odnosi se na popunjeni Obrazac za cijenu ponude-Prilog III. Naime, u Obrascu za cijenu ponude ponude redni broj 5. kao jedinična cijena za monitor naveden je iznos 221,00 KM i zbirni iznos za 3 komada od 66,00 KM, a trebalo bi da stoji 663,00 KM. Komisija je dana 03.07.2025. godine uputila zahtjev ponuđaču za dostavu saglasnosti za ispravkom greške. Ponuđač je svojim aktom broj:131/25 od 03.07.2025. godine dao saglasnost za ispravku greške. Kako se radi o očiglednoj štamparskoj grešci urađena je ispravka ukupnog iznosa u rednom broj 5. na 663,00KM, dok je ukupna vrijednost ponude, kao tačna, ostala neizmjenjena.
- da ponuda ponuđača „Moon“, d.o.o. Zenica ne odgovara traženim tehničkim specifikacijama iz razloga što kasetna jedinica ponuđenog uređaja Canon image runner 2930i MFP maksimalno podržava 2300 listova, a tenderskom dokumentacijom je traženo da podržava 3650 listova. Također, ponuđeni Laptop HP 255G9, 969B5ET#ABB posjeduje RAM memoriju DDR4, dok je tenderskom dokumentacijom tražena RAM memorija DDR5. Shodno navedenom, Komisija je odbacila ponudu ponuđača MOON d.o.o. Zenica, kao neprihvatljivu i istu nije dalje razmatrala.

E-aukcija je zakazana i održana dana 07.07.2025. godine u 11,00 sati i trajala je do 11,10 sati, te je pomoću automatskih metoda ocjenjivanja u informacionom sistemu E-Nabavke, izvršeno rangiranje ponuđača, shodno utvrđenom kriteriju „najniža cijena“, na osnovu kojeg je utvrđena sljedeća konačna rang lista ponuđača koji su učestvovali u E-aukciji:

R/b	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	R&S d.o.o. Sarajevo	4200056290005	8498,15	0%	1
2.	“ELUR” d.o.o. Kiseljak	4236010950005	8499,00	0%	2

Nakon završene E-aukcije, Komisija je dostavila Zapisnik o pregledu i ocjeni ponuda od 08.07.2025. godine u kome je dala preporuku da se ugovor zaključi sa R&S d.o.o. Sarajevo obzirom da ispunjava sve uslove tražene tenderskom dokumentacijom, te da je njegova ponuda od 8. 498,15 KM, ocijenjena kao najpovoljnija ponuda primjenom kriterija najniže cijene.

Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjelih ponuda, za potpisivanje ugovora prihvaćena je ponuda ponuđača R&S d.o.o. Sarajevo, sa konačnom cijenom postignutoj na e-aukciji od 8.498,15 KM bez obračunatog PDV-a.

Obzirom na naprijed navedeno, u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. R&S d.o.o. Sarajevo
2. ELNUR d.o.o. Kiseljak,
3. MOON d.o.o. Zenica
4. Spis



Predsjednica suda
Fata Nadarević